



KENYATAAN MEDIA

UniMAP Terima 46 Buah Bas Baharu Bagi Kegunaan Pelajar

PAUH PUTRA, 15 Ogos - Universiti Malaysia Perlis (UniMAP) menerima 46 buah bas dalam persediaan menerima pelajar-pelajar baharu Sidang Akademik 2016/2017 yang dijangka mendaftar penghujung bulan ini.

Naib Canselor UniMAP, Dato Prof. Dr. Zul Azhar Zahid Jamal berkata, UniMAP telah menjalinkan kontrak bersama IR-SAF Holidays dan Ekspres Sdn. Bhd. selama tiga tahun untuk membekalkan 46 buah bas untuk kegunaan pelajar UniMAP.

□Bas-bas ini telah dipecahkan kepada empat kampus UniMAP iaitu kampus UniCiti (10 bas), Kolej Kediaman Wang Ulu (20 bas), Kolej Simpang Empat (10 bas) dan Pauh Putra (6 bas).

□Pecahan ini adalah mengikut nisbah jumlah pelajar yang ditempatkan di kolej kediaman serta kampus-kampus UniMAP,□katanya ketika ditemui pada sesi pemeriksaan bas-bas kontrak dan dokumen-dokumen yang berkaitan di Dataran Kejat, Dewan Ilmu UniMAP.

Turut hadir, Timbalan Naib Canselor Hal Ehwal Pelajar dan Alumni UniMAP, Prof. Madya Dr. Mohd Fo□ad Sakdan, Pengarah Jabatan Pembangunan UniMAP, Prof. Madya Mazelan Abdul Hamid dan Pengarah Urusan IR-SAF Holidays dan Ekspres Sdn Bhd. Khairul-Syakirin Harith Fadzilah.

Sementara itu, Prof. Madya Mazelan berkata, sebanyak 10 buah bas telah beroperasi di kampus UniCiti untuk digunakan pelajar-pelajar Diploma.

□Sebagai permulaan, kita telah menempatkan sebanyak 10 buah bas untuk memudahkan pelajar diploma yang tinggal di Kampus UniCiti bergerak ke kelas dan bandar Kangar,□katanya.

Dikeluarkan Oleh :

Mohd Basri Basir (mbasri@unimap.edu.my)

Penolong Pegawai Perhubungan Media UniMAP

